

F. VII. h
18

10682/P

54

Q. D. O. M. B. V.

DISSERTATIO INAUGVRALIS MEDICA

DE

PERIPNEVMONIA

EX

NIMIO AERIS REFRIGERIO

RECTORE MAGNIFICENTISSIMO

SERENISSIMO PRINCIPE AC DOMINO

D O M I N O

GVILIELMO HENRICO

DVCE SAXONIAE IVLIACI CLIVIAE MONTIVM AN-

GARIAE ET WESTPHALIAE COMITE SAYNAE

ET WITTGENSTEINII RELIQA

P R A E S I D E

IOANNE ADOLPHO WEDELIO

PHILOS. ET MED. D. PRAXEOS ET CHIMIAE PROF. PVBL. ORD.

SERENISS. SAX. DVCVM CONSIL. AVLICO ET ARCHIATRO

ET ACADEM. NATVR. CVRIOS. COLLEGA

PATRONO, PRAECEPTORE AC PROMOTORE SVO COLENDO

P R O L I C E N T I A

SVM MOS IN ARTE MEDICA HONORES ET PRIVILEGIA

DOCTORALIA MORE MAIORVM RITE CAPESSENDI

PVBICO ERVDITORVM EXAMINI SVBIECIT

A V C T O R

CHRISTOPH. FRIDER. ALKOFERVS

RATISBON.

DIE X. MAII MDCCXXXVIII.

LOCO AC HORIS CONSUVETIS.

IENAE, LITTERIS IO. FRID. RITTERI.

INTERNATIONAL

NAVY AIRS REPAIRS



GENERAL

NOTES FOR THE

CHRISTIANITY

LIBERAE AC AVGVSTAE
S. R. I. REIPVBLICAE RATISBONENSIS
SENATVI INCLYTO
VIRIS

ILLVSTRIBVS, MAGNIFICIS, PRAESTRENVIS,
PRAENOBILISSIMIS, AMPLISSIMIS AC PRVDENTIS-
SIMIS DOMINIS,

D O M I N O
C A M E R A R I O
C O N S V L I B V S
AC
SENATORIBVS

PATRIAE PATRIBVS BENIGNISSIMIS
DOMINIS SVIS

PATRONIS AC MAECENATIBVS
OMNI HONORIS ET OBSEQVII CVLTV
PROSEQVENDIS

MEDICAM HANC DISSERTATIONEM INAVGVRALEM
DEVOTO ANIMO

DAT, DICAT, CONSECRAT

CHRISTOPHORVS FRIDERICVS ALKOFERVS.

SENATVS AVSTRIACVS
SIGILLVM

AVSTRIVM
SIGILLVM
SIGILLVM
SIGILLVM

CAMERARIO
CONSILIO

SENATVS

AVSTRIVM

AVSTRIVM

AVSTRIVM

AVSTRIVM

AVSTRIVM



DISSERTATIO
DE
PERIPNEVMONIA
EX
NIMIO AERIS REFRIGERIO.

§. I.

QUOTIESCVNQVE in pathologicis inflammationis fit mentio, semper sub ea morbus intemperiei calidæ particularis intelligitur; quia in omni inflammatione calorem in parte maiorem deprehendimus. Cum vero simul cum partis affectæ tumore rubore & dolore coniuncta sit, quæ essentialia inflammationis symptomata sunt, hæc vero ex solo calore maiori non fluant, eorum ratio ex alio fonte petenda est.

§. II.

Fons omnium horum malorum latet in stasi sanguinis actiuioris, ab obstructione extremitatum arteriarum facta; venæ enim ad stasin sanguinis minus sunt aptæ. Maior enim sanguini, per extremitates vltimas arteriarum circulanti, datur resistentia ab ipsa horum vasorum angustia: venæ vero, sanguinem hunc exci-

pientes, in progressu euadunt capaciores; hinc nulla ratio subest, quare sanguis, qui per vltimas arteriarum extremitates angustiores libere & minus impeditè transire potuit, in vasis amplioribus, minusque sic resistentibus stagnare, viamque sibi præcludere, & inflammationes parere, deberet.

§. III.

Patet enim ex tali stasi ab obstructione facta

1) calor. Nam massa sanguinea tali gaudet qualitate, vt, quamprimum stagnat, a suo sero liberetur. Cum vero serum sit proprium salium diluens & temperans, salia inde fiunt concentratiora, & in reliquas massæ sanguineæ partes actionem suam maiorem exercent: &, quia maxima pars sanguinis, stricte ita dicti, constat ex alcalicis & sulphureis partibus, resolutio particularum sulphurearum, & liberatio ignearum fit, & hinc motus eorundem, qui caloris nomine venit. Cum etiam ob stasim adfluxus sanguinis fiat maior, & sero secedente, globuli sanguinis magis accumulentur, adeoque plures partes igneæ liberentur, illique exitum debitum non habeant, calor maior in parte redditur.

2.) tumor. Facta enim sanguini in extremitatibus arteriarum quadam resistentia, vt exire libere non possit, adfluxus eiusdem pergit, reliquum vasorum spatium magis replet, & per repletionem maiorem premit parietes vasorum, & quia sunt flexiles, nec sufficienter resistunt, fit distensio vasorum & tumor. Præterea, quia per calorem in parte maiorem sanguis rarefit, rarefactus autem amplius spatium occupat, hinc repletionem & distensionem auget. Adeoque a repletionem maiorem, tam per quantitatem, quam per rarefactionem auctam, facta, tumor sequitur.

3.) rubor. Cum enim serum per stasim dictam ex sanguine secedat, adeoque globuli, qui ruborem proprie habent,

habent, magis ad se inuicem accedant, & augeantur in parte adfecta, saturatior fit color, idque eo magis, quo magis minima vascula arteriosa, quæ antea diluitiorem, ob serum coniunctum, continebant sanguinem, a sanguine rubicundiori magis repleta & distensa sunt; unde vndiquaque transparet ille rubor, qui adhuc magis augetur in stasi grauiori, quoniam in hac omnia laudata eminentius fiunt. Transparet autem color sanguinis contenti, quia vasa sunt pellucida, & eo eminentius, quo minora sunt, cum & vna tenuiores habeant parietes.

4.) dolor. Quælibet enim extensio nimia & subitanea fibrillarum neruearum in se est dolorosa, in omni vero inflammatione talis est extensio, quam repletio & pressio sanguinis in vasis, ita adfectis, dicto modo præstat. Non minus quoque sanguis, feruidior ita euadens, ardorem dolorosum his fibrillis infert, & salia liberata, & concentratiora acrioraque reddita, irritationem iisdem his, imprimis iamdum tensis, conciliant, doloremque sic magis augment. Ergo inflammationes dolorem indiuiduum habent comitem, & quidem eo vehementiorem, quo pluribus pars adfecta gaudet fibrillis nerueis sentientibus, & grauiores causæ dictæ sunt; eo remissiorem, si contrarius status adsit.

§. IV.

Cum igitur stasis sanguinis actiuioris immediate inflammationem faciat, huius quoque causa immediata est. Hanc autem infert obstructio extremitatum arteriarum.

§. V.

Occurrit itaque in inflammatione morbus intemperiei, nempe ipsa inflammatio; morbus conformationis, obstructio, vt & tumor; morbus solutæ unitatis, & quidem in fieri in dolore, quæ & in facto coniungitur,
si in

si in suppurationem abeat. Et ob hanc causam quidam inflammationem morbum compositum vocarunt.

§. VI.

Symptomata inflammationis essentialia (§. 1. 2.) semper quidem adsunt, non tamen eodem gradu, unde & calor minor, dolor minor, tumorque minor, observatur aliquando, maxime in internis quibusdam corporis partibus, quando vel adeo levis est inflammatio, vel in tali eveniat parte, quæ non adeo sensilis est; vel ab acrimonia maligna fibrillæ nerueæ citius destruuntur, ubi perceptio doloris etiam cessat. Maiore autem gradu hæc præsentia simul signa præbent inflammationis præsentis. Si autem hæc minori gradu sint præsentia, parsque adfecta in corporis cauitate latitet, ex aliis symptomatibus, tunc vna evenientibus, manifestioribus, causisque prægressis manifestis, coniectura artificiosa erui debet hic adfectus.

§. VII.

In toto si fiat intemperies calida, adeoque vniuersalis sit, & a fermento rarefactiuo, salino-sulphureo, inæquali, dependeat, febris dicitur, cuius subiectum est tota massa sanguinea, quæ per circulum toti corpori communicatur: hinc in omnibus corporis humani partibus actiones suas exserit. Hæc si sine intermissione adfligat, nec exacerbationem periodicam habeat, continua κατ' ἐξοχήν dicitur, vel continens; sin autem per certa intervalla exacerbationem, instar paroxysmi, exhibeat, & iterum remittat, non tamen intermittat, continua periodica est; vel quotidiana, vel tertiana, vel quartana, continua. Intermittens autem febris est, quæ per certos paroxysmos se exserit, & perfecte iterum intermittit, & vel quotidiana, vel tertiana, vel quartana, simpliciter vocatur.

§. VIII.

§. VIII.

Ex his febris continua inflammationi grauiori, maxime internæ, coniuncta videtur, siue ab ipsa inflammatione efficiatur, siue vna cum inflammatione accedat statim, siue inflammationem, prius præsens, excitet. Leuior autem inflammatio, inprimis externa, sine febre esse solet. Nisi ipsa febris mitior aliquando talem fecerit.

§. IX.

Efficat autem inflammatio febrem, si partes sanguinis, a stasi eius acres & fermentificæ redditæ, cito, & sufficiente quantitate, sanguini reliquo communicentur, vt hic inde similem motum adquirat. Vna cum inflammatione statim accedit febris, si tale fermentum febrile, in sanguine hærens, & in toto febrem, & in parte stasin, simul excitet. Febris autem inflammationem excludit, si sanguis, iamdum in motu maiore intestino constitutus, stasin alicubi concipiat.

§. X.

Eiusmodi inflammatio cum febre, & quidem acuta seu tali, quæ breui temporis spatio finitur, & grauissima symptomata coniuncta habet, est etiam pulmonis inflammatio, quæ græce peripneumonia audit.

§. XI.

Si structuram pulmonis, vna cum eius officio perpendimus, tunc ex priori, stasin sanguinis, & inde subsequentem inflammationem, haud difficile ibi contingere; ex posteriori vero, inflammationem ibidem non sine satis magna febre adesse posse, luculenter perspicimus.

§. XII.

Intelligitur vero per pulmones istud viscus corporis animalis, in medio ventre situm, vtrumque thoracis latus occupans, corque in medio continens.

§. XIII.

Connectitur ope membranæ cuiusdam, quæ cauitatem thoracis in duas singulares cauitates diuidit, & mediastinum audit, in parte anteriore cum sterno, in parte vero posteriori cum vertebris: diuiditur quoque ope huius membranæ in duos lobos, quorum superficies anterior conuexa, posterior concaua conspicitur.

§. XIV.

Descendit a faucibus ad pulmones vsque canalis quidam, sat amplus, annulis cartilagineis, imperfectis tamen, & in parte inferiori inter se notabiliter distantibus, præditus, qui aspera arteria vocatur. Illa ipsa aspera arteria, quam primum sese pulmonibus appropinquat, in duos abit ramos, quorum vnus dextrum, alter sinistrum, pulmonis intrat lobum, qui rami, prope locum diuisionis, bronchia vocantur. Hæ autem cauitates recipiendo & emittendo aeri externo inferuiunt in respirationis negotio.

§. XV.

Accipit quoque hocce viscus duo notabilia vasa sanguifera, quorum vnum vas immediate ex dextro cordis ventriculo oritur & arteria pulmonalis audit; alterum vero ex ipsa pulmonis substantia egreditur, quod venæ pulmonalis nomine venit.

§. XVI.

Præter hæc vasa, alia adhuc Ruyschius annotauit vasa sanguifera, arterias nimirum & venas, prioribus longe minores; arteriæ ex aorta & intercostalibus, venæ vero intercostalibus & azygos emergunt, vndique bronchiis cohærent, & inde arteriæ & venæ bronchiales, ab inuentore Ruyschio vero, bronchiales Ruyschii vocantur.

§. XVII.

§. XVII.

Nec minus etiam nerui & vasa lymphatica ibi in lucem prodeunt: illi, qui non magna adsunt copia, a neruis partim cerebri, partim medullæ spinalis, sunt, hæc vero ad ductum thoracicum abeunt.

§. XVIII.

De hisce vasis, §. 14. & 15. allegatis, in specie notandum est:

1.) ramos bronchiales inter arteriam & venam pulmonalem, in quolibet pulmonis lobulo esse sitos;

2.) eadem vasa hunc ordinem seruare per totam pulmonis substantiam.

3.) Abire in vasa subtilissima, quæ sensum visus fugiunt;

4.) annulos cartilagineos, etiam in minutissimis illorum ramis, conspici;

5.) bronchia tandem desinere in minutissimas vesiculas, primariam pulmonis substantiam efficientes;

6.) arterias & venas pulmonales, ita formatas esse, vt instar retis vesiculas ambiant, quæ distributio vasorum sanguiferorum, ab inuentore nomen habet, & rete vasculosum Malpighii vocatur.

§. XIX.

Cognita vero pulmonum structura, haud difficile erit, concludere ad verum ac genuinum eius officium. Sanguis enim per arteriam pulmonalem e dextro cordis ventriculo defertur ad pulmones, & cum omnis sanguis ad dextrum cordis ventriculum a partibus redeat, omnem quoque pulmones a partibus venientem in se recipiunt sanguinem; qui sanguis per venam pulmonalem in ventriculum cordis sinistrum transit, ibique per arteriam magnam omnibus corporis humani partibus communicatur.

§. XX.

Cum vero ventriculi cordis diuersæ capacitatis sint, ita, vt dexter sexta parte maior sit sinistro, non omnis sanguis ex dextro cordis ventriculo pulmones ingressus, si idem volumen seruet, posset recipi a sinistro; sed sexta pars in pulmonibus subsistere cogetur. Si autem in qualibet pulsatione aliquid in pulmonibus remaneret, tandem pulmones ita a sanguine replerentur, vt tandem rupturæ vasorum, extravasationes sanguinis, & circulus plane sublatus, adeoque certa mors, sequerentur. Hoc autem ne fiat, facit volumen sanguinis in pulmonibus in tantum imminutum, vt commodè a ventriculo cordis sinistro possit capi. Volumen sanguinis minuitur partim per imminutionem caloris massæ sanguineæ in pulmonibus; partim per secretionem & excretionem eiusdem seri copiosioris. Omne enim fluidum calidum maius habet volumen, quam si eius calor sit imminutus, quod & thermomentra ostendunt. Serum etiam, si ex sanguine copiosius exeat, in tantum volumen sanguinis imminuitur, in quantum hoc spatium in sanguine prius occupauerat. Imminuit vero calorem & serum sanguinis, in pulmonibus hærentis, aer frigidior per inspirationem in bronchia accedens, qui & calidior, & vaporibus seri repletus, per expirationem iterum exit.

§. XXI.

Patet igitur ex hisce §. 19. & 20. dictis

1.) arteriam asperam ideo factam esse, vt perpetuo per eandem nouum aerem inspiremus, si prior receptus expiratus fuerit.

2.) ramos arteriæ asperæ, seu bronchia, eam ob causam ita comitari vasa sanguifera per totam pulmonis substantiam, vt medium locum inter arteriam & venam habeant, vt sic aer externus in eadem intrare, ex
singu-

singulis minutissimis vasculis sanguiferis & calorem, & vapores feri, recipere promptissime, & per expirationem educere, queat. Quorum rationes ex physiologicis petendæ sunt.

§. XXII.

Ex datis §. 19. 20. 21. concludimus, pulmones talem structuram obtinuisse, ut, inter alia, circulus sanguinis, qui, ob inæqualitatem ventriculorum cordis, non, nisi per condensationem sanguinis, fieri potest, rite peragatur.

§. XXIII.

Vti vero aer temperatus, in statu ordinario, refrigerium naturale sanguinis producit, ut eius circulus conseruetur; sic intemperanter frigidus grauiorem obstructionem arteriolarum, hinc sanguinis stasim, & subsequam inflammationem, efficere potest; sanguinis, & fibrarum vasculorum dispositione concurrente.

§. XXIV.

Quo magis enim sanguis copiosioribus salino-sulphureis acribus particulis gaudet, sero autem blando caret, spissiorque sic redditur, & acrior; fibræ autem extremitatum arteriolarum strictiores paulo sunt, eo promptius aer nimis frigidus talem effectum edit, & contra. Adeoque si quis, ita constitutus, hiemali tempore aeri intense frigido improuide se exponat, ut in itineribus longioribus & alias fieri solet, contra aeris iniurias non defenso satis corpore, facillime peripneumonia corripitur potest.

§. XXV.

Ex physicis enim patet:

1.) ignem transire e corpore quocunque in quocunque vicinum, quod tantam quantitatem ignearum partium relative non possidet.

2.) quo frigidius est corpus, eo maiorem quanti-

tatem ignearum partium, ex calidiori corpore, in se recipere.

3.) Corpora, quo magis sunt diuisa, eo maiorem eorum reddi superficiem.

4.) Hunc transitum ignis esse eo maiorem, quo maior superficies corpori frigido contingenti concessa est.

5.) Corpora, quo sunt minora & tenuiora, eo citius amittere calorem.

§. XXVI.

Cum itaque, per experientiam, continua respiratione utamur, frigidus talis, qui supponitur, aer, (§. 23. & 24.) per inspirationem intrat pulmones; & quia rami bronchiales in medio vasorum sanguiferorum siti sunt, (§. 18. n. 1.) & hunc ordinem per totum pulmonem seruant, (§. 18. n. 2.) atque in minutissima abeunt vasa, (§. 18. n. 3.) omnia vasa pulmonis contingit; quia insuper etiam, magnitudine vasorum decrescen- te per diuisionem in plures ramos, superficies eorum relatiue crescit, (§. 25. n. 3.) in pluribus punctis cum vasis sanguiferis contactus fieri potest. Transeunt itaque, calor ex parietibus vasorum & massa sanguinea, & vapores feri ex eadem (§. 25. n. 1. & §. 20.) in aerem frigidum, quod eo citius fit, quo magis in tenuissimis & pluribus vasculis hoc loco contingit. (§. 25. n. 5.) Aer itaque in pulmone hærens, igneis partibus & vaporibus feri repletus, per expirationem expellitur, & nouus aer in eius locum per inspirationem succedit, vbi pristinus caloris & vaporum transitus toties repetitur, quoties frigidi aeris admissio locum habet.

§. XXVII.

Cum massa sanguinea fluiditatem suam a sero & calore proportionato simul habeat, utroque imminuto cohesionem massæ sanguineæ augeri necesse est. Fluida
vero,

vero, magno cohæſionis gradu prædita, dicuntur viſcida & ſpiſſa; Ergo ex maſſa ſanguinea, antea ſatis fluxili, fluidum ſpiſſum & viſcidum ita redditur: ex ſpiſſitudine vero maſſæ ſanguinæ ineptitudo ad penetrationem per vaſa ſubtiliſſima, ex hac ſtagnatio ſanguinis in minutiffimis vaſculis, producitur, quæ cauſa inflammationis ſupra erat. (§. 23.)

§. XXVIII.

Quoniam vero eodem tempore calor ex interſtiis parietum vaſorum pulmonalium abit, partes, quæ antea ſeſe mediantibus particulis igneis contingebant, ad minus inter ſe coeunt ſpatium, i. e. conſtringuntur; vnde cauitas, a parietibus extremorum vaſculorum determinata, imminuta redditur, vt minime decentem quantitatem ſanguinis transmittere poſſint.

§. XXIX.

Cum ſanguis per frigus non ſolum ſpiſſus reddatur, per dicta, verum etiam acrior, ob ſeri temperantis notabilem hoc loco factum ſeceſſum, & ideo eminentiores redditas particulas acres, fibrillis extremis arteriolarum, eas irritando, criſpaturam & ſtricturam infert, adeoque anguſtiam ſeu obſtructionem adhuc magis auget.

§. XXX.

Obſtructione hac ob frigus intenſius admiſſum a ſanguinis ſpiſſitate (§. 27.) & parietum arteriolarum extremarum ſtrictura & criſpatura (§. 28. & 29.) facta, ſtaſis ſanguinis actiuioris ſequitur.

§. XXXI.

Staſi tali in arteriis, ob obſtructionem arteriolarum, orta, ſanguinis adfluxus in arterias tamdiu continuat vegetus, donec hæ diſtendi amplius nequeant, adeoque ea fiunt, quæ §. 3. ſunt recensita, ſeu ipſa inflammatio.

flammatiō & symptomata eius essentialia. Plures quidem dantur causæ mediatae remotiores quam aer nimis frigidus, quæ tam spissitudinem & acrimoniam similem sanguini inferre, quam parietum arteriolarum extremarum strictionem, adeoque stasim inducere, valent; has autem iam considerare non lubet, contenti ut, quomodo aer intense frigidus, hæc inferre soleat, explicauerimus, cum eminentior & frequentior hæc causa sit remotior.

§. XXXII.

Facto in pulmone hoc incendio, siue aer nimis frigidus, siue alia causa, occasionem dederit, (§. 31.) supra commemorati inflammationis effectus essentialia, qui symptomata dicuntur, in hoc quoque viscere adesse debent. (§. 1.) Cum vero ad internas corporis humani partes accessus plane non pateat, phænomena quoque hæcce immediata inflammationum internarum non ita statim manifesta sunt: hinc alia signa in subsidium vocanda erunt, e quibus veram pulmonis inflammationem deprehendere licebit.

§. XXXIII.

Dignoscitur vero peripneumonia

1.) ex febre acuta continua, (§. 7. & 10.) quæ vel prius, vel statim cum inflammatione adest, vel eandem cito sequitur. Nam tam per pulmones omnis sanguis, e partibus veniens, transit; (§. 19.) hinc pars sanguinis, per stasim & inflammationem acrioris facti, toti massæ sanguineæ subito & continuo commiscetur; (§. 9.) quam ob aeris accessum, a vasorum sanguiferorum distensione, & exinde facta bronchiorum compressione, impeditum, calor decenti modo temperari nequit; unde intemperies calida augetur, & quidem tanto maiori gradu, quando inflammatio in partibus superioribus, prope apud ingressum bronchiorum, hæret. Aer enim,
in

in bronchiis contentus, a parte inflammata calidus redditur, hinc in inferioribus pulmonis partibus parum, vel plane nihil, temperare potest, unde etiam ex hac causa calor in toto maior fieri, & febris augeri, debet.

2.) Ex respiratione frequenti, difficili, feruida. Licet vero ex sola respiratione frequenti & difficili ad præsentiam inflammationis in pulmonibus argumentari non liceat, siquidem eadem ex calore, per motum externum in corpore maiori factò, venire possit: feruida tamen aeris ex ore protrusio simul accedens, certum pulmonis incendium indicat. Semper vero id valet, vt, vbi inflammatio pulmonis adest, ibi etiam respiratio frequens & difficilis esse debeat. Crescit enim calor tam ex febre, quam ex inflammatione, unde ægri quouis modo per frequentem aeris externi immisionem opem & leuamen quærunt; quia vero ex obstructione insufficiens aeris quantitas accedit, oritur respirandi difficultas.

3.) Ex sensu grauitatis in pectore: certum enim indicium est, aliquid magis collectum esse in pulmone.

4.) Ex dolore vel nullo, vel obtuso: id quod fit, tam quia hoc viscus paucis instructum est nervis; (§. 17.) quam quia etiam in statu ordinario ad notabile spatium, sine omni doloris sensu, distenti se patiuntur pulmones. Hoc symptoma peripneumoniam ab illo lateris incendio, quod pleuritis nominari solet, manifeste distinguit; siquidem illa semper acutissimum ac molestissimum doloris sensum coniunctum habet.

5.) Ex decubitu corporis molesto. Cum in statu erecto hominis, elater pulmonis tantum ab aere superari debeat; in decubitu vero corporis pondus pulmonis, & pressio diaphragmatis ab infimi ventris contentis, simul obstant commodæ thoracis eleuationi, hinc decubitus non, nisi molestus, esse potest.

6.) Ex tussi cum sputo vel nullo, vel cruento, vel spumoso. — Omne enim quod irritationem fibrarum bronchiorum internarum facit, tussim excitare solet. Omnis stasis & inflammatio acres partes coniunctas habet, quæ, in bronchia accedentes, irritant, hinc in omni inflammatione pulmonis essentialiter tussendi cupiditas adesse debet. Si vero simul cum tussi aliquid e loco inflammato eiicitur, id dependet a feri fluxilis præsentia, ut hinc ex sanguine subsistente aliquid humoris resoluti secernatur in bronchia, quod tussi reiicitur, siue sanguis tenuis, siue humor spumosus, vel alius, sit.

7.) Ex rubore faciei. Nam sanguis non libere per pulmones circulare valens, resistit sanguini, per venam cavam ad cor adfluenti, unde venæ & arteriæ turgidæ fiunt, & ex turgescencia rubor oritur.

8.) Ex pulsu paruo, ex celeri frequente, molli, & inæquali. Quia ventriculus cordis sinister non sufficienter repletur, unde mollities & exilitas pulsus: ex celeri frequens vero fit, ob irritationem a febre, & repletionem insufficientem, quæ utraque inæqualitatem etiam faciunt. Magnus, undosus, & mollis simul in quibusdam occurrit, si sanguis maiore quantitate in toto adest, & rarefactionem maiorem subeat.

§. XXXIV.

Præter ista signa accedit etiam sitis, siccitas oris, asperitas linguæ, dolor capitis, vigiliæ, imo, si gravius malum est, deliria, quorum rationes partim ex dictis & essentia febris, partim ex gradu inflammationis diverso petendæ sunt.

§. XXXV.

Si arteria bronchialis Ruyschii ita adficiatur sola, quod tamen vix fieri solet, mitior & respiratio & febris coniecturam eius quidem præbere posset, sed id etiam in peripneumonia occurrere valet mitissima.

§. XXXVI.

§. XXXVI.

Peripneumonia morbus admodum periculosus, & dubius est. Præcipue malus exitus timendus erit, si locus inflammatus in magno est spatio, si febris sit grauior, acutior, & malignior, respiratio maxime difficilis, suffocationem minitans, nisi corpus erectum sit, expectoratio adpareat vel nulla, vel haud ante diem septimum, sique adsit, haud decenter continuet, deiectio virium adsit maior, sputum non rite coctum, sed sincerum, & coloris magis peregrini, & similia alia. Salus vero sperari potest, si omnia iam dicta sint mitiora: febris non tanto gradu furat, vires & robur sufficienter adsint, respiratio tollerabilior, & expectoratio mature fiat, sputum flauescens, modice rubellum, sit, non valde cruentum, facile secedat: Aeger compos mentis maneat. Indicant enim tam minorem inflammationis gradum, quam massam sanguineam non ita ad destructionem vergere.

§. XXXVII.

Acutissima quandoque peripneumonia est, tertio & quarto die necans. Frequentius die septimo vel decimo quarto, interdum etiam, ad diem decimum octauum vel vigesimum durans, iudicatur. In alium morbum transiens huius naturam postmodum sequitur.

§. XXXVIII.

Ad salutem tendit vel discussione, si statim in principio remedia apta fuerint adhibita, per transpirationem insensibilem; vel resolutione, succedente excretionem laudabili, per sputum bene procedens, per hæmorrhagiam narium aut vteri, per sudorem, per urinam, per aluum, vbi sæpius sputum bonum vna continuat; vel suppurationem, vbi pus aut per expectorationem recte exitum habet, aut a venulis pulmonum re-

sorptum per vrinam, vel aluum, perfecte depletur, aut, in alias partes, v. g. pone aures, decubitus faciens, abscessum format, isque rite procedit & sanatur. Ad mortem abit vel suffocatione, vel resolutione sanguinis destructiua. Suffocatio fit, si nec discussio, nec resolutio fiat, si pus factum bronchia nimis repleat, quod aliquando subito fit. Resolutio destructiua a febre maligniori, a gangræna & sphacelo superueniente, a pure remanente, nec sufficienter depleto, vnde in hecticam, phthisin prius abit, lentaque mors sequitur. Suffocatio & resolutio simul mortem infert, si inflammatio pulmonum in scirrhum abierit, licet aliquando lente id fiat.

§. XXXIX.

Peripneumonia cum a stasi sanguinis actiuioris, hæc autem ab obstructione arteriarum extremitatum dependeat, & febrim acutam comitem habeat, symptomataque vrgentia excludat, curabitur, si stasis expediat, febris expugnetur, & symptomata vrgentia mitigentur. Stasis remouebitur, si tam sanguis & acris biliosus fermentescens, & spissus, redditus, quam extremitatum arteriarum parietes emendentur, quia hæc obstructionem, stasin inferentem, faciunt. Febris, cum a partibus sanguinis acribus biliosis, fermentatiuis dependeat, iisdem expugnatur.

§. XL.

Sanguinem acrem, biliosum, fermentificum emendant, quæ has eius particulas corrigunt & minuunt. Minuit easdem venesectio, quando plethora, sanguis feruidior, vires sufficientes, adsunt, & statim in principio morbi, in opposito latere, proportionata quantitate fit. Hæc si ita se non habeant, abesse debet.

§. XLI.

§. XLI.

Corrigunt & minuunt partes acres biliosas fermentificas imprimis diaphoretica ac bezoardica blanda, media atque fixa. Qualia sunt mixtura simpl., tinctura alexipharm. Stahlii, essent. scordii, tinctur. bezoard. B. Wedelii, camphora ipsa in refracta dosi & cum nitrosis. antimon. diaphor., bezoard. minerale, lap. cancr., corn. ceru. philosoph., pulu. bezoard. maior & minor B. Wedelii, Sennerti, epilept. marchion., spec. cordial. temperat., antipleuriticus, lap. de Goa, lap. bezoard. orient. & occident., quæ tam per se, quam in forma potionum cum aqua scorz., card. benedicti, cerasor. nigr., acac. scabios. bellid. flor. sambuc. papau. rhead. cerefol. addito sirupo acetos. rosar. violar. acetositis citri &c. usurpari queunt, iunctis aliis quoque, scopo aptis.

§. XLII.

Corrigunt easdem partes absorbentia, vna bezoardica & diaphoretica, & alia; corrigunt salia media, imprimis nitrum depuratum, hinc & arcan. dupl. Myns. acidula, vt tinctur. flor. papau. rhead. bellid. rosar. clyffus antimonii, potui ordinario minori dosi instillanda, spiritus nitri dulcis ad gutt. v. vj. viij. potionibus additus; corrigunt sulphurea demulcentia, vt hord. auena, cornu cerui, in decoctis, semina quatuor frigida maiora in emulsionibus. cinnabaris natiua & anodyna, minori quantitate addita. Corrigunt etiam diluentia aquea iam commemoranda.

§. XLIII.

Spissior sanguis tenuior & fluxilior redditur per eadem diaphoretica & bezoardica, aliaque resoluentia absorbentia; tenuior & fluxilior redditur per ea, quæ

serum blandum restituunt, vt decoct. hord. cum C.C. & scorzon., quibus facile addi queunt rad. glycyrrh. graminis, tarax. herb. veron. scabios. tusilag. card. benedict. cerefol. bellid. viol. flor. scabios. bellid. passul. minores, iuiubæ, sebesten, caricæ pingues &c. Ita & emulsiones cum aquis destillatis recensitis hoc nomine profunt; ne de iusculo auenaceo, herba Thee &c. dicamus.

§. XLIV.

Parietum arteriarum extremarum crispatura, cum maxime ab acrimonia biliosa simul dependeat, antea laudatis corrigitur. Externa etiam tam crispaturæ huic, quam spissitati & acrimoniæ sanguinis, succurrunt. Vt olea externa ol. polychrest. B. Wedelii, & ad huius modulum combinata similia. Vnguenta, vt pectorale, rubr. potabile, quibus & olea destillata iungi queunt. Vtrisque recte superimponuntur sacculi paregorici, vt Wedelii, facile variandi. Fetus ex lacte calido, decocto paregorico, spirituosus, vt spiritu matricali, spir. vini camphorato, cum linteo quadruplicato, & similia si quis substituere, vel interponere, his velit, liberum id est.

§. XLV.

Suppuratio si dictis haud auertatur, illa non impedienda, sed promouenda est, vt purulenta materia reddatur satis cocta, & ad secretionem & expectorationem magis habilis. Præstant id antea recensita continuata, iisque remixta & interposita antipleuritica, pulu. pleurit. Wedelii, dens hippopotami, castor., sanguis hirci, sperma ceti & similia, hinc & decoctum iam recensitum. Absterisionem & mundificationem partim modo dicta, partim pectoralia & balsamica, efficiunt eodem modo, vt in pleuritide, quibus continua-

tis,

tis, etiam consolidatio sequitur. Alius morbus si peripneumoniam excipiat, eodem, ut alias, tractatur modo.

§. XLVI.

Sitis humectantibus & temperantibus leuatur. Alius obstructa clysteribus blandis & suppositoriis referatur. Deliriis ingruentibus, præter interna, vesicatoria utilia sunt. Maxime vero expectoratio non rite procedens iuuanda erit. Conuenit tunc oleum bezoard. B. Wedelii ad guttas tres, bis intra diem & noctem exhibendo, essent. pimpin. albæ cum decocto herbæ thee ad paucas guttas propinata, sperma ceti, reliquaque resoluentia in potionibus, cum oxymel. squillitico, vel simplici, sirupo hyssopi, interdum linctus utiles sunt resoluentes.

§. XLVII.

Aer temperatus potissimum est obseruandus. Cibus tenuis, facillimeque resolubilis, & humectans simul prodest, ut iuscula auenacea, pullorum, carnesque tenerrimæ, si appetit æger; potus blandissimus confert, magis tamen decoctum hordei vel auenaceum, quam paulo spirituosior; decubitus est necessarius, ut & quies, somnus minime impediendus est, sed nimis deficiens, ut in aliis febribus, blande inuitandus; omnes animi motus excedentes vitari debent, excretionisque ordinariæ blandæ conseruandæ sunt.



* * * * *

S nimm den Lorbeer-Crang; nimm, Theu-
rer Freund, den Huth,
Du hast ihn längst verdient; Du trägest
ihn mit Ehren.

Die Einfalt steht und spricht: was, so ein junges
Blut,

Soll dessen Ruhm und Glanz der Purpur schon
vermehrten?

Die Antwort folgt sogleich: dem, der was rechtes kan,
Er sey jung oder alt, steht dieser Purpur an.

Diß aber, daß Du auch aus lehrter Zahl gewesen,
Läßt Deine eigne Schrift der Einfalt selbst lesen.

Seine Hochachtung und Freundschaft bezeuget in diesen
Gedanken des Herrn Doctoranden ergeben-
ster Freund und Diener

Gottfried Ernst Müller,
aus Ilmenau in Francken, Med. C.
OPPONENTS.

SUMMAS promeritam laurum! lætantur amici,
Doctores, ciues, patria, mater, ego.

*Viro prænobilissimo atque experientissimo, Auctori huius egregii
speciminis doctissimo, Fautori & Amico suo summe colendo,
de summis in arte medica honoribus gratulaturus
hæc pauca adiecit*

FRID. THEODOSIUS MÜLLER
Ilmenauia-Francus. Theol. & Philos. C.

